

Torersaarnissamut maleruagassat najugaqatigiiffik 389 – Iserit A/S - Ittoqqortoormiit

Aallaqqaasiut

Sanilinik najugaqatinillu mianerinninnissaq pingaaruteqarpoq. Najugaqartut akunnerminni ajunngitsumik pisuseqarfisarnerat najugaqarfimmi pitsasumi toqqissimanissamut annertuumik sunniuteqaqataasarpooq.

Attartortup inissiaq paarinerluppagu, aserorteriffigippagu imaluunniit attartortoq ineqarnermut kiassarnermullu aki-linngitsuukkaminik akiligassaqaqalerpat attartortitsisup attartorneq atorunnaarsissinnaavaa.

Eqqagassat

Inissiaqarfimmi eqqagassanut nakkarttsisarfearpat, igitassat nakkarttsisarfikkut iginneqannnginnerminni pappi-aqqamut poortorluarneqarsimassapput imaluunniit puussiamut ikineqarsimassallutik. Inissiaqarfinni eqqagassanut nakkarttsisarfearqanngitsuni igitassat igitsivissatut inissitaasimasunut iginneqartassapput. Igitassat majuartarfearfinnut imaluunniit eqqaaveqarfiit naqqinut iliinnarneqassanngillat.

Torsuusarsuaasat majuartarfiillu ataatsimoorussat

Attartortoq inissiap najugarisami silataani torsuusarsuaasap majuartarfiillu saliarnartaasa eqqluisaartinneqarneranni peqataassaaq. Sikkilit, meeraaqqanik aneerussissutit, qamutit pequtillu allat majuartarfinni, majuartarfiit sangoriaanni torsuusarsuaasaniluunniit inissisimatinneqassanngillat.

Antennit

Antennenit sullissineq, attavinnit il.il najugaqartup akisussaaffigai §52 imm. 4 malillugu

Uffarfiit, kuutsitsiviit, perusuersartarfiit, erngup qorlorfii il.il.

Annoraamerngit, qiviusat assigisaalluunniit perusuersartarfinnut imeq atorlugu kuutsittakkanut iginneqartassanngillat. Erngup qorlorfii, perusuersartarfiit imiisivii quisarittaallu ussiippata, imaluunniit erngup aqqtai allat ussiippata attartortitsisoq piaartumik nalunaarfigineqassaaq.

Mingutsitsineq

Ataatsimoorussamik atorneqartut, soorlu majuartarfearfiit, kaajaluisat imaluunniit pinnguartarfiit mingutsineqaaqusaanngillat. Illup iigai qisuttaaluunniit titartuiffigeqquusaanngillat, kigartorneqaaqusaanatik qalipaneqaaqusaanatilluunniit. Eqqiaanissaq pitsangorsaaniqarlu pisariaqarpata attartortitsisoq tamatuminnga isumaginnissinnaavoq, attartortup akisussaasup akiligassaanik.

Uumasuuteqarneq

A Attartortitsisoq allakkatigut akuersiseqqaarnagu qimmeqartoqaqqusaananilu qitsuuteqartoqaqqusaanngilaq. Uumasuuteqarnissamut akuersissummiik Kommuneqarfik Sermersooq – Tasiilaq qinnuteqarfigineqarsinnaavoq Pisuni ataasiakkaani uumasuuteqarnissamut akuersissuteqartoqarnissaa Iserit A/S aalajangigassaraa. Nalinginnaa-sumilli qimmit iluaqutitut atugaasut, soorlu tappiitsut qimmiisa aamma politiit qimmiisa uumasuutigineqarnissaat tamatigut akuersissutigineqarsinnaavoq.

Nalinginnaasumik inissiaqarfinni (inissiat quleriaani) akuersisoqarneq ajorpoq qimmiuteqarnissamut qitsuuteqarnissamullu. Illuni uiguleriaani tunngaviusumik uumasuuteqarnissamut akuersissuteqartoqarsinnaavoq.

Najugaqatigiiffik 389-mi qimuttunik qimmeqarfirunera peqqutigalugu taamaallaat qitsuuteqarnissamut akuersisoqarsinnaavoq qularnaveeqqusiqsiissutit akilereerneratigut inatsisit atuuttut naapertorlugit.

Sannatit, nipilersorneq il.il.

Sakkut nipiliortut, soorlu qillerutit, eqqaamiut eqqarsaatigalugit taamaallaat nal. 8-p aamma nal. 19-ip akornanni atorneqeqqusaapput. Majuartarfinni, torsuusaasarsuarni imaluunniit naqqit iluini nipiliortuni pinnguarto-qaqqaanngilaq. Radiu, fjernsyni, båndoptageri, oqaluttartoq imaluunniit CD-mik nipilersuut eqqaamiunut akornutaasumik atorneqeqqusaanngillat. Nalliuottorsiornerit nipiliorfiusut eqqaamiut tamatuminnga akuersiseqqaarsimatin-nagit ingerlanneqeqqusaanngillat. Nipilersortartut sungiusartarneri imaluunniit nipilersornermik ilinniartitsisarnerit attartortitsisumut isumaqatigiissutigineqeqqaarsimassapput.

Tamalaanik toqqorsiviit – piliviit

Tamalaanik toqqorsivinni – pilivinni ininluunniit assigisaanni ikuallajasunik, soorlu benzinamik, petroleumik, terpen-tinimik lakkimillu uninngatisisoqeqqusaanngilaq. Attartortup init taamaattut parnaarsimanissaat isumagisassaraa – atorneqanngikkaluarpataluuunniit.

Kiassaatit imermik imallit

Kiassaatit imermik imallit ussiillisimappata imaluunniit kiassaateqarfimmil aqqutaasa arlaat ussiitsoqalersimappat, attartortitsisoq tamanna pillugu piaartumik nalunaarfigineqassaaq.

Allagartalersuineq

Allagartalersuinerit, tassani matumi allagartalersuutit kisiisa pinnagit, attartortitsisumit allaganngorlugu akueri-neqarsimassapput.

Errorsineq

Attartortoq atuisutut allatuulli errorsisarfinnik atuisinnaatitaavoq. Errorsisarfimmik atuineq najoqquattiat nivinngareqarsimasut malillugit aammaluu inuup nammineq akisussaaffigisaanik ingerlanneqartassaaq. Errorsisarfuiup atortui ajoquteqarpata errorsisarfinnik nakkutiliisut attartortitsisorluunniit nalunaarfigineqassapput. Aneersuartaarfinni error-tanik panersiinerit sanilinut akornutaassanngillat.

Inigisami allanngortiterinerit

Attartortoq talulersueqquaananilu talunik piaaqqaanngilaq. Aamma attartortitsisoq allaganngorlugu akuersis-suteqarsimatinngu inissiami allanik allanngortiterinissaq inerteqqutaavoq. Allanngortiterinissaq akuerineqarsimap-pat attartortup allanngortiterinerut aningaasartuutit tamaasa akilissavai. Allanngortitikkat attartorneq atorunnaar- pat pissuserisimasamissut ilisinneqeqqinnissaat piumasarineqarsinnaavoq. Pittuserisimasamissut ilisinneqeqqin- nerat attartortup suliarissavaa imaluunniit taassuma akiligassaanik suliaritinneqassaaq. Attartortitsisoq akuersi-seqqaarnagu allanngortiterisoqarsimanera paasineqarpat, tamakku attartortup akiligassaanik ingerlaannaartumik pissuserisimasamissut ilisinneqeqqissinnaapput.

Torersaarnissamut maleruagassat maleruarneqassapput

Torersaarnissamut malerugassat tamakku, imaluunniit attartornermut peqqussutip tamatumunnga aalajangersa-gartai naapertorlugit torersaarnissamut maleruagassat akuersissutigineqarsimasut attartortup maleruannngippagit, tassa torersaarnissamut maleruagassat annertuumik unioqqutinneqarsimappata, attartortitsisup attartorneq unitsis-sinnaavaa.

Eqqaamallugu, torersaarnissamut maleruagassat allanuinnaq atuuttussiaanngillat!

**Torersaarnissamut maleruagassat pillugit apeqqutissaqaruit uagutsinnut saaffiginnissinnaavutit
Iserit A/S, B-118, Postbox 11, 3980 Ittoqqortoormiit, oqarasuaat.:36 30 00, Fax:36 30 19,
E-mail: iserit@iserit.gl Quppersagaq: www.iserit.gl**